



SCERT NEWS LETTER

Email : scertmizoram@gmail.com

Visit us at : <http://www.scert.mizoram.gov.in>

Vol. IV Issue No.1 Dated 30th January, 2017 SCERT MIZORAM (Private Circulation)

Lalngaizuali Ralte
Editor



Board of Editors :
Laldawngliani Chawngthu
P.C.Lalrintluanga
Vanlalhruaii
R.Lalbiakdiki

Editorial



DAMCHHUNG NI TE HI

He khawvela mi lo piang tawh phawt chu dam chin nei tur leh khawvel chhuahsan leh mai tur kan ni a, Sam ziaktu chuan **"Kan damchung nite chhiar dan tur min zirtir ang che, finna thinlung kan neih phah hialna turin"** a lo ti tawh a. He thu hian damchung ni hmanthiam pawimawh zia a rawn tarlang a, kan damrei dawn emaw dawn lo emaw a pawimawh ber chu engtin nge ka damchung hun hi ka hman ang, keimah leh ka chhungte, ka thiante leh ka thawhpui thenrualte tan malsawmna ni turin ka nun hi ka hman ang dawn nge an tan hling mai niin, ka bula awm chu phurrit leh zahpuiawm tak ka ni dawn nge ? Ruihhlo tiin mahni nun ka ti chhia ang ?

He damchung kumte hi **"thawnthu angin kan titawp thin"** tih thu Sam ziaktu bawkin a lo sawi a, miten kan chanchin hi he khawvela kan nun a tawp hunah thawnthu angin an la sawi dawn a, chumi hunah chuan engtin nge min sawi se kan tih hi ngaihtuah chung a fimkhur taka kan tun hun hi tha taka hman leh uluk hi a tul hle a ni.

EASTERN INDIA SCIENCE FAIR 2017

Eastern India Science Fair 2017 chu BITM (Birla Industrial & Technological Museum) Kolkatta ah January ni 9 - 14, 2017 chung khan neih a ni a, he science fair hi National Council of Science Museum, Ministry of Culture, Govt. of India leh Eastern India huam



chhunga State hrang hranga Education Department leh SCERT te thawkhoina an buatsaih a ni. He science fair-ah hian November 2016-a State Level Science Exhibition Lawngtlai Donbosco School-a neih zawh tak atangin St. Paul's HSS Aizawl, St. Peter's chhingchhip, St. John's HSS Kolasib, St. James School, Aizawl, Stains Memorial School Aizawl, Govt. Pianghleia H.S Aizawl, Don Bosco School, Lawngtlai, Southern Public School Lawngtlai, ML Junior Academy Lawngtlai, Ngurnunsangi English Medium School Lawngtlai, Bethel Mission School Champhai atang ten zirlai naupang ti tha 20 thlan chhuah an ni. Heng naupang te hi Don Bosco School Lawngtlai, Govt. Pianghleia HS Aizawl, St. James School Aizawl leh St. Paul's HSS Aizawl zirtirtu pali te leh SCERT Science Promotion Wing atangin Official 3 Pu F. Lalliansanga Science Consultant, Pu P.C. Lalrintluanga Science Consultant leh Pi Lalngaizuali Ralte Programmer ten an ho a ni.

Mizoram atanga zirlai tel te hian Model/Exhibit 12 an pho chhuak a, a dang 8 te hi Work Experience Camp-ah an tel a ni.

Exhibit Wise :

- 1) Carlos Lalrinchhana - St. Paul's Hr. Sec. School - State Best Award (Production of single cell protein)
- 2) Jolly Heisnam - St. Paul's Hr.Sec. School - Special Prize (Flood & Water level Indicator)
- 3) Jaydul Hok Choudhary - St. John Hr.Sec. School Kolasib - Special Prize (Leachate Management for clean Technology)

JANUARY 2017 CHIUNGA SCERT-IN PROGRAMME A NEIH LEH KAL MEK TE**TEACHER EDUCATION**

1. Workshop to scrutinize Annual work plan submitted by DIETs on 5 – 6 January, 2017.
2. Workshop on D.El.Ed. Course for DIET faculty on 10-11 January, 2017. Participants – 75
3. Meeting to finalize Annual Works Plan for the year 2017 - 18 with DIETs Principal & Teacher Education Wing on 12 – 13th January, 2017

IEDSS

Organised Refresher Course on Braille and Mobility Skills in collaboration with Bethany Society Shillong, sponsored by National Institute for Empowerment of Persons with visual disability, Dehradun during 30th January – 3rd February, 2017 at Auditorium, SCERT.

INHLAN THARNA

Dt.. 13th January, 2017 khan SCERT-a thawk zawng zawngten Pathian hnena inhlant tharna inkhawm neih a ni a, Tawngtai rualna te nein hun hlimawm tak hman a ni

SCIENCE PROMOTION WING

Eastern India Science Fair, BITM, Kolkata Dt. 10-14th Jan. 2017 khan neih a ni a, hetah hian School 11 atangin naupang 20 leh zirtirtu 4 leh Science Promotion Wing atangin Officer 3 an kal.

National Voter's Day : Dt. 25.1.2017
hi National Voters Day anih angin SCERT Officers & Staff te chuan Office Corridor ah thutiam lakna nei thar a ni.



Contd from pre page..

EASTERN INDIA SCIENCE FAIR

Work Experience Camp atangin –

- 1) Lalremruata – St. Paul's Hr.Sec. School – Electronic Department
- 2) Laldinthari – St. John Hr.Sec. School – Mass Making Department
- 3) Judithi Lalchanpuii – St. Peter's Hr.Sec.School – Life Science Department
- 4) Lalramthanpuii – Stains Memorial School, – Life Science Department

Officers' on Tour during the month

- | | | |
|--|--|---------------------------------|
| 1. Pu F. Lalliansanga, Science Consultant | -To attend Eastern India Science Fair at BITM, Kolkata | 10 -14 Jan. 2017 |
| 2. Pu PC Lalrintluanga, Science Consultant | | |
| 3. Pi Lalngaizuali Ralte, Programmer | - do - | |
| 4. Pi Lalduhawmi Thomte, Tutor | Professional Enrichment programme at EFLU, Hyderabad | 16-20 Jan.2017 |
| 5. Pi Zoramthangi Ralte Tutor | Workshop on National Outreach Programme of Practices of Inclusion At NIE, New Delhi. | 18—19 Jan. '17 |
| 6. Pi Sangzuali Vanchhawng, Dy. Director | | |
| 7. Pi Laldawngliani Chawngthu Director | To attend National Level Workshop on Teacher Education at Udaipur | 23rd Jan. 2017 |
| 8. Dr. A. Lalchhandami, Lecturer | | |
| 9. Pi Laldampuii, Tutor | To attend training of key resource persons in communication skills (English) at the Secondary level at Shillong. | 30th Jan. 2017 to 3rd Feb, 2017 |
| 10. Pi Esther Lalnunpuii Tutor | | |
| 11. Pu. H.T. Vanlalremruata Tutor | | |
| 12. Pu H. Lalhruaitluanga, Lecturer | to oversea printing of Textbooks at Guwahati | 30th Jan. 2017 |
| 13. Pu ST Lalmuanpuia Comp.Operator | | |

DIET Aizawl leh DIET Lunglei a B.Ed course zir theih dawn ta

National Council for Teacher Education (NCTE) chuan *NCTE Regulations 2014* siamin November 28 2014 khan a ti chhuak a, chumiah chuan Teacher Education Institution te chu *composite institution* niturin a ti a (hemi atan hian institution mal din DIET ang chi te hi course pahnih tal offer a ngai a). Chumi bawhzuina atan chuan sawrkarin DIET Aizawl leh Lungleia *B.Ed course* hawn a dil ta a ni.

NCTE lamin dilna thehluh an phal hun May 2015 thla atang khan *B.Ed course* dilna hi bawhzui tan a ni a, dilna hi *online* a theh luhnuah *document* te dak (*post mail*) a thehluh a ngai leh a. Amaherawhchu, dak lamah a hun taka a thlen hman loh avangin he dilna hi NCTE lam chuan a lo pawmlo (*refuse*) phawt a ni.

An pawm lohna hi *appeal* theih anih avangin hmalak a ni leh a. *Appeal* hi *online* a tih tur a ni a, amaherawhchu NCTE *website* kaltlanga tihfel theih anih loh (*technical problem*) avangin kum 2016 February 26 khan Teacher Education Approval Board (TEAB) *meeting* ah School Education Secretary Pu P. Lalchhuanga hovin sawichhuah a ni a. TEAB *meeting* zawh hian SCERT officer ten NCTE National Headquarters office, New Delhi-ah an bawh zui leh a, chutah chuan kan DIET-te *appeal* hi kaltlang tir niin DIET pahnihte *appeal* hi 27th August 2016 khan ngaihtuah tur a tih a ni. Ni 7 October 2016 khan MHRD in Regional Shillong-ah Workshop a rawn buatsaih a, hetah hian SCERT Director Pi Laldawngliani Chawngthu hovin NCTE hotu lo kal hnenah sawipui ni lehin chumi hnu chuan SCERT officer ten NCTE, Eastern Region office Bhubaneswar lamah 3rd November 2016 khan an bawhzui leh a ni. NCTE lam pawhin DIET Aizawl leh Lungleiiin B.Ed. Hawn an dilna hi pawmsakin a endiktu *Visiting Team*-te chu December 18 – 24, 2016 kar khan a rawn tir ta a ni.

NCTE, Eastern Regional Committee chuan 11-12 January 2017 khan B.Ed course hawn dilna engemaw zat a ngaihtuah zingah DIET Aizawl leh Lunglei dilna chu pawm zelin, recognition pe thei tura lehkhaw pawimawh *Letter of Intent (LoI) issue* theih tura a chhawpchhuah tlemte zingah a tel ve ta a ni. *LoI*-ah hian *document* tam tak la tih fel tur a awm a, Mizoram University lam atang pawhin *affiliation etc.* tih fel tur a la awm nual bawk a ni. Chungte chu a huna chin fel a niha, NCTE lamin an pawm chuan *B.Ed Course recognition* hi pek a ni dawn a ni.

DIET Aizawl leh Lungleiah hian B.Ed Course hi kumin 2017-18 session chhung ngeia hawn hman a nih theihna turin sawrkar lam pawhin chak takin hma a la mek a ni.



ACADEMIC CORNER

Do/s and Don't's of Language Teaching :

- Teach the language, not about the language
- Teach the language, not (at the start) a writing system
- Teach the language, not its vocabulary
- Teach the language as it is, not as anyone think it ought to be
- Teach the language as it is spoken in ordinary circumstances, not as a special literacy or oratorical form
- Teach the language, not its literature
- Teach the language as it is now, not in terms of its history
- Learning the language is not an intellectual task.

ANGER MANAGEMENT

Pi Vanlalruati

Thinrim thei lo tumah kan awm lova, thinurna hian chhan leh vang a nei vek a ni. Thinrimna kan hmachhawn dan erawh chu a in ang lo thei hle a ni. *'Thinurna hi midang vawm nana hman tuma meiling hum ang a ni a, mahse meiling humtu chu a tawpah a kang thin,'* an lo ti hial.

Thinrimna hi : Miten min sawisel, rel leh sawichhiat chang te, kan duh ang leh kan beisei loh ang taka thil a kal changa kan lo hmachhawn dan hi a ni deuh ber a, chu chuan mahni inhumhimna lam pawh a kaw a, a chang chuan thinurna tihlan a tul chang a awm ve bawk. Thinurna awmze nei chuan mimal nun, chhungkua, hnathawhna leh khawtlang nun siam that duhna leh dik lo taka inrelbawlna siam thatna kawngah pawh awmzia a nei thei. Thinurna hi mihring tu pawn kan tawn hriat vek a ni.

Thinurna hlauhawm hun : Thinurna chu a thlen fo leh a zin viau a, zirna te a nghawng pawh a, mahni thlen tum ram mi a thlen tir theih lohva, midang nen a kan inlaichinna a khawih pawh a, kan hriselna a khawih pawh hial te, mahni intih chhiat duhna leh mizinga awm duh lohna te, tawngkam chhia leh chetziaa thilti chhe khawpa mi an awmin.

Thinurna tihchhuah dan dik lo te:

- Zu leh ruihhlo tih phah nan leh mahni intih chhiat nana hmanin.
- Kan thinur chhanate chung a thinrimna tilang chhuak ngam silova pawisawi lo leh chaklo zawkte chung a thinrimna tihlan vak chinte
- Kalkawnga buaina siam phah
- In chhungkhura buaina siam chin

Thinurna hi thunun tum tur a ni : Hetianga hian mahni inti hahdamin in thunun a tul.

- Thawk lak dan dik : Hnar atanga thawk luh a, ka atanga han thawk chhuah leh te.
- Tawngtai : Mahni in bihchiang chung a tawngtai
- Ngaihtuahna hlimawm: Hmun nuam leh hahdam, leh thil hlimawm lam ngaihtuah
- Rimawi : Kan rimawi ngainat zawng te ngaihtlak veng veng.
- Arts and Crafts : Mi thenkhat chuan an kut themthiamna an hman hian hahchawlhna a siamsak thei a, milem ziah te, paper hmanga thil siam te, etc.

Thinurna hman tangkai dan:

- I thinur ani tih pawm rawh
- I thinurna sawi chhuah hmain nangmah in bengdai phawt rawh
- I thinrim chhan ngaihtuah chiang la, a mawh la ngam rawh
- Engin nge ti thinur thin che tih ngaihtuah rawh
- Kan thinrim hian he thu hi i inzawt ang u.
 - Hei hi a pawimawhin a tul em ?
 - Ka thinrimna hi a dik em ?
 - He boruak hi a siam that theih em ?
 - Hei aia thuk hi kal pui ila a hlawkthlak ang em?

Hetianga kan in enlet theih chuan rilru fim takin kan thinurna kan thunun (control) thei ang.

Entawn tlakte nun zir a tul : Mi tupawh mai harsatna an nuna tawh nasa mahse tumruhna nena chutianga harsatna tha taka hmachhawntu nun atangin in zir tum ang che.

A hun leh hmuna thiltih chin : Hetianga kan tih hian hun tepter taka thiltih chinte, chi ai leh buai taka thil min tih tir tur lakah min veng a ,engkim a hun leh hmun a dah leh tih hian kan thinurna tur min bengdai thin a ni kan hriat a tul.

Engvang pawhin lo thinur ila kan Bible chuan, *"Thinrim ula, sual erawh chu sual suh u, in thinur chu niin tlakpui suh se (Ephesi 4:26,)"* a lo ti tawh a, thinrim thei kan ni a, mahse kan thinrimna hi engtinge kan kalpui thin tih hi kan in enfiah fo thin a ngai a ni